



Na osnovu člana 15. stav 1. tačka 2. Zakona o principima lokalne samouprave u Federaciji BiH („Službene novine Federacije BiH“ broj: 49/06 i 51/09), člana 20 Smjernica Federalnog ministarstva finansija o minimalnim standardima dodjele budžetskih sredstava putem transfera i subvencija u FBiH („Službene novine FBiH“ broj: 37/24), člana 39. Statuta Općine Travnik („Službene novine Općine Travnik“, broj 11/05 i 51/09), Programa utroška sredstava iz Budžeta Općine Travnik sa budžetske stavke „Tekući transfer udruženjima građana - Transfer za obilježavanje značajnih datuma“ i saglasno Odluci o izvršenju Budžeta Općine Travnik za svaku kalendarsku godinu, općinski načelnik **r a s p i s u j e**

## **JAVNI POZIV**

**za podnošenje prijave za ostvarivanje prava na dodjelu sredstava iz Budžeta Općine Travnik u 2025 godini “Tekući transfer udruženjima građana - Transfer za obilježavanje značajnih datuma”**

I

Predmet Javnog poziva je sufinansiranje manifestacija povodom obilježavanja značajnih datuma i događaja iz Budžeta Općine Travnik u 2025 godini “Tekući transfer udruženjima građana - Transfer za obilježavanje značajnih datuma” u cilju očuvanja tekovina odbrambeno-oslobodilačkog rata 92-95 godina.

Ukupan iznos budžetskih sredstava za namjene iz prethodnog stava je 24.200,00 KM.

II

Pravo prijave na Javni poziv ima udruženje branilaca registrovana na općinskom nivou.

III

Prijave podnosioca iz tačke II. Javnog poziva kojima su u prethodnoj budžetskoj godini odobrena sredstva za iste namjene, a nisu dostavili izvještaj o utrošku dodijeljenih sredstava, neće se uzimati u razmatranje po ovom Javnom pozivu.

IV.

Uz prijavu na Javni poziv obavezno je priložiti sljedeću dokumentaciju (original ili ovjerena kopija):

- adekvatno popunjen, potpisan i ovjeren prijavni obrazac
- uvjerenje o poreznoj registraciji
- uvjerenje nadležnog organa uprave o registraciji udruženja
- statut udruženja
- potvrdu banke o otvorenom (aktivnom) transakcijskom računu udruženja, ne starija od 30 dana
- odluca udruženja o organiziranju aktivnosti
- program obilježavanja manifestacije/događaja u 2025 godini za koju se podnosi prijava, ovjeren pečatom i potpisom ovlaštenog lica udruženja ili potpisom predsjednika organizacionog odbora
- detaljan plan i program rada općinskog udruženja branilaca za 2025 godinu, ovjeren pečatom i potpisom ovlaštenog lica udruženja
- finansijski plan općinskog udruženja branilaca za 2025. godinu s očekivanim prihodima i rashodima, ovjeren pečatom i potpisom ovlaštenog lica udruženja

- finansijski plan manifestacije/događaja za koji se podnosi prijava
- posebno obrazloženje prijave u smislu razloga podrške projekata/programa (historijski, finansijski i sl.) posebno u pogledu kriterija propisanih javnim pozivom
- izvještaj o utrošku sredstava dodijeljenih općinskom udruženju branilaca za istu namjenu u prethodnoj godini, ovjeren pečatom i potpisom ovlaštenog lica udruženja..

Prijavni obrazac može se preuzeti na internet stranici Općine Travnik ili u Centru za pružanje usluga građanima, šalter sala.

Sredstva po osnovu ovog Javnog poziva dodjeljuju se jednokratno.

## V

Raspodjela novčanih sredstava iz tačke I. Javnog poziva vršit će se prema sljedećim kriterijima:

- raspoloživa sredstva u općinskom budžetu za 2025. godinu za navedene namjene
- vrijednost programa prema projektu i prijavi
- iznos sredstava udruženja namijenjena za realizaciju programa
- značaj realizacije manifestacije/događaja za društvenu zajednicu i očuvanje tekovina odbrambeno-oslobodilačkog rata 92-95 godina
- kontinuitet u održavanju manifestacija/događaja iz odbrambeno-oslobodilačkog rata 92-95 godina
- datum osnivanja udruženja branilaca, podnosioca prijave.

Sredstva za sufinansiranje manifestacije/događaja mogu se odobriti za jedan projekat po podnesenoj jednoj prijavi samo jedanput godišnje.

## VI

Javni poziv se objavljuje na internet stranici Općine Travnik i traje 30 dana od dana objave.

Prijava na Javni poziv sa popunjenim, potpisanim i ovjerenim prijavnim obrascem i potrebnom dokumentacijom podnosi se Službi za opću upravu i BIZ Općine Travnik putem pošte preporučeno ili neposredno na općinski protokol (šalter broj:2 u Centru za pružanje usluga građanima) u zatvorenoj koverti na adresu: .Općina Travnik, Konatur bb - Travnik, Služba za opću upravu i BIZ s naznakom: „Javni poziv za podnošenje prijave za sufinansiranje manifestacija/događaja iz perioda odbrambeno-oslobodilačkog rata 92-95 godina u 2025. godini – NE OTVARATI”

Neuredne, nepotpune i neblagovremene prijave na Javni poziv neće se uzimati u razmatranje.

## VII

Proceduru odobravanja sredstava po ovom Javnom pozivu provodi Odbor za boračka pitanja Općinskog vijeća Travnik koji će svojom posebnom Odlukom utvrditi iznos odobrenih budžetskih sredstava po svakoj pojedinačnoj manifestaciji/događaju sa podacima o podnosiocima prijave na Javni poziv čije su prijave odobrene i istu objaviti na Oglasnoj ploči i web stranici Općine Travnik.

## VIII

Udruženje branilaca kome su dodijeljena finansijska sredstva prema ovom Javnom pozivu dužno je najkasnije do 31.03. iduće godine Općini Travnik dostaviti detaljan izvještaj o namjenskom utrošku dodijeljenih budžetskih sredstava sa priloženim fiskalnim računima, foto dokumentacijom i dr.

IX

Podnosioci koji su zahtjeve za sufinansiranje manifestacija/događaja dostavili u periodu od 01.01.2025.godine, pa do dana raspisivanja ovog Javnog poziva dužni su svoje zahtjeve dopuniti potrebnom dokumentacijom i u roku prema ovom Javnom pozivu.

Broj: 09-04-21-5-1247/25-1  
Datum: 28.05.2025.godine

NAČELNIK

dr. sci. Kenan Dautović



